



**ԱՐՑԱԽԻ ՀԱՆՐԱՊԵՏՈՒԹՅԱՆ  
ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐ**

**Հ Ր Ա Մ Ա Ն**

«23» նոյեմբերի 2021թ.

N 649/Կ

**ԱՐՑԱԽԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅԱՆ ՊԱՏՄԱՄՇԱԿՈՒԹԱՅԻՆ ՀՈՒՇԱՐՁԱՆՆԵՐԻ  
ԳԻՏԱՄԵԹՈՂԱԿԱՆ ԽՈՐՀՐԴԻ ԿԱԶՄԸ ՈՒ ԿԱՐԳԸ ՀԱՍՏԱՏԵԼՈՒ ԵՎ  
ԱՐՑԱԽԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ, ԵՐԻՏԱՍԱՐԴՈՒԹՅԱՆ  
ՀԱՐՑԵՐԻ ԵՎ ԶՐՈՍԱՇՇՐՋՈՒԹՅԱՆ ՆԱԽԱՐԱՐԻ 2020 ԹՎԱԿԱՆԻ ՄԱՐՏԻ 11-Ի N  
04/Մ ՀՐԱՄԱՆՆ ՈՒԺԸ ԿՈՐՑՐԱԾ ԾԱՆԱՃԵԼՈՒ ՄԱՍԻՆ**

Ղեկավարվելով Արցախի Հանրապետության կառավարության 2020 թվականի դեկտեմբերի 30-ի N780-Ն որոշմամբ հաստատված N1 հավելվածի 3-րդ բաժնի 15-րդ կետով

**Հ Ր Ա Մ Ա Յ ՈՒ Մ ԵՄ՝**

1. Հաստատել

1) Արցախի Հանրապետության կրթության, գիտության, մշակույթի և սպորտի նախարարության պատմամշակութային հուշարձանների գիտամեթոդական խորհրդի կազմը՝ համաձայն N 1 հավելվածի:

2) Արցախի Հանրապետության կրթության, գիտության, մշակույթի և սպորտի նախարարության պատմամշակութային հուշարձանների գիտամեթոդական խորհրդի կարգը՝ համաձայն N 2 հավելվածի:

2. Ուժը կարգրած ճանաճել Արցախի Հանրապետության մշակույթի, երիտասարդության հարցերի և գրոսաշրջության նախարարի 2020թ. մարտի 11-ի N04/Մ հրամանը:



**Լ. ՂԱՐԱԽԱՆՅԱՆ**

**Հավելված N 1**  
**ԱՀ կրթության, գիտության,**  
**մշակույթի և սպորտի նախարարի**  
**«23» օգոստոսի 2021թ. N 618/Ա** հրամանի

**Գայանե Գրիգորյան** - Արցախի Հանրապետության կրթության, գիտության, մշակույթի և սպորտի նախարարի տեղակալ- խորհրդի նախագահ:

**Արման Գրիգորյան** - Արցախի Հանրապետության կրթության, գիտության, մշակույթի և սպորտի նախարարության աշխատակազմի, մշակույթի և երիտասարդության հարցերի վարչության պատմության և մշակույթի անշարժ հուշարձանների ուսումնասիրման, պահպանման և վերականգնման բաժնի վարիչ- խորհրդի նախագահի տեղակալ:

**Լուսինե Ավանեսյան** - Արցախի Հանրապետության կրթության, գիտության, մշակույթի և սպորտի նախարարության աշխատակազմի տեղեկատվության և հասարակայնության հետ կապերի բաժնի առաջին կարգի մասնագետ- խորհրդի քարտուղար:

**Մելանյա Բալայան** - Արցախի Հանրապետության կրթության, գիտության, մշակույթի և սպորտի նախարարի խորհրդական, պատմական գիտությունների թեկնածու- խորհրդի անդամ:

**Իգոր Թևոսյան**- Արցախի Հանրապետության կրթության, գիտության, մշակույթի և սպորտի նախարարության աշխատակազմի, մշակույթի և երիտասարդության հարցերի վարչության պատմության և մշակույթի անշարժ հուշարձանների ուսումնասիրման, պահպանման և վերականգնման բաժնի գլխավոր մասնագետ- խորհրդի անդամ:

**Կարեն Ավագյան** - Արցախի հանրապետության կրթության, գիտության, մշակույթի և սպորտի նախարարության աշխատակազմի, մշակույթի և երիտասարդության հարցերի վարչության պատմության և մշակույթի անշարժ հուշարձանների ուսումնասիրման, պահպանման և վերականգնման բաժնի գլխավոր մասնագետ- խորհրդի անդամ:

**Աշոտ Սարգսյան**- Արցախի Հանրապետության կրթության, գիտության, մշակույթի և սպորտի նախարարության աշխատակազմի, մշակույթի և երիտասարդության հարցերի վարչության կրոնի և ազգային փոքրամասնությունների բաժնի վարիչ- խորհրդի անդամ:

**Սլավա Սարգսյան** - Արցախի Հանրապետության կրթության, գիտության, մշակույթի և սպորտի նախարարության «Պատմական միջավայրի պահպանության պետական ծառայություն» ՊՈԱԿ-ի փոխտնօրեն, խորհրդի անդամ:

ԿԱՐԳ

ԱՐՑԱԽԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅԱՆ ՊԱՏՄԱՄՇԱԿՈՒԹԱՅԻՆ ՀՈՒՇԱՐՁԱՆՆԵՐԻ  
ԳԻՏԱՄԵԹՈՂԱԿԱՆ ԽՈՐՀՐԴԻ ԳՈՐԾՆԵՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են Արցախի Հանրապետության կրթության, գիտության, մշակույթի և սպորտի նախարարության (այսուհետ՝ նախարարություն) պատմամշակութային հուշարձանների գիտամեթոդական խորհրդի (այսուհետ՝ խորհուրդ) ստեղծման, նրա գործառույթների, աշխատանքների կազմակերպման և իրականացման հետ կապված հարաբերությունները:

2. Խորհուրդը ստեղծվում է և նրա անհատական կազմը հաստատվում է Արցախի Հանրապետության կրթության, գիտության, մշակույթի և սպորտի նախարարի (այսուհետ՝ նախարար) հրամանով՝ համաձայն Արցախի Հանրապետության կառավարության 2006 թվականի մայիսի 26-ի N 278 որոշմամբ հաստատված պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգի 76-րդ կետի:

3. Խորհուրդը հուշարձանների հետազոտման, պահպանության, վերականգնման և օգտագործման բնագավառների առավել փորձառու մասնագետներից բաղկացած, առնվազն 7 անդամ ունեցող խորհրդակցական մարմին է:

4. Խորհրդի կազմում կարող են ընդգրկվել շահագրգիռ պետական մարմինների և այլ կազմակերպությունների ներկայացուցիչներ, մտավորականներ, մշակույթի բնագավառի գործիչներ, փորձագետներ, վերականգնող ճարտարապետներ՝ որոնց մի մասը կարող են ընդգրկված լինեն Հայաստանի Հանրապետությունից: Հայաստանի Հանրապետությունից ընդգրկված մասնագետները նիստին կարող են մասնակցել առցանց, անհրաժեշտության դեպքերում կարող են հրավիրվել հարցերին կենդանի քննարկման նպատակով:

5. Խորհուրդն իր գործունեության ընթացքում ղեկավարվում է Արցախի Հանրապետության կառավարության 2006 թվականի մայիսի 23-ի N 278 որոշմամբ, սույն կանոնակարգով և այլ իրավական ակտերով:

6. Խորհրդի գործունեությունը կարող է դադարեցվել կամ կազմի փոփոխություն կատարվել նախարարի հրամանով:

## II. ԽՈՐՀՐԴԻ ՀԻՄՆԱԿԱՆ ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

7. Խորհուրդը քննարկում և մասնագիտական եզրակացություն է տալիս՝

1) հուշարձանների ամրակայման, նորոգման, վերականգնման և հատուկ նորմերի, մեթոդների և տեխնոլոգիական պահանջների մշակման և ներդրման վերաբերյալ,

2) հուշարձանների ամրակայման, նորոգման, վերականգնման, փոփոխման և տեղափոխման նախագծային առաջադրանքների, նախագծերի և դրանց գիտական հիմնավորման և առաջարկությունների վերաբերյալ,

3) պատմության և մշակույթի անշարժ հուշարձանների գիտատեխնիկական և գիտահանրամատչելի գրականության և հուշարձանների տարեգրքի հրատարակման վերաբերյալ,

4) հուշարձանների հաշվառման, ուսումնասիրման, պահպանության, ամրակայման, նորոգման, վերականգնման և օգտագործման բնագավառի այլ հարցերի վերաբերյալ:

## III. ԽՈՐՀՐԴԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ

8. Խորհուրդն իր աշխատանքները կազմակերպում է նիստերի միջոցով, որոնք հրավիրվում են նախարարի կամ խորհրդի նախագահի կողմից՝ ըստ անհրաժեշտության:

9. Խորհուրդը կազմված է խորհրդի նախագահից և անդամներից:

10. Խորհրդի անդամներն իրենց պարտականությունները կատարում են հասարակական հիմունքներով:

11. Խորհրդի նիստն իրավազոր է, եթե դրան մասնակցում է հանձնաժողովի անդամների կեսից ավելին:

12. Խորհրդի նիստը վարում է խորհրդի նախագահը, իսկ նրա բացակայության դեպքում նիստերը վարում է խորհրդի նախագահի տեղակալը:

13. Խորհրդի նիստին մասնակցելու համար անհրաժեշտության դեպքում կարող են հրավիրվել նաև համապատասխան ոլորտների մասնագետներ:

14. Խորհրդի եզրակացություններն ընդունվում են նիստին ներկա անդամների ձայների պարզ մեծամասնությամբ: Ձայների հավասար բաշխման դեպքում վճռորոշ է նիստը վարողի ձայնը: Խորհրդի նիստերն արձանագրվում են:

15. Խորհրդի կողմից քննարկվող հարցերի վերաբերյալ հատուկ կարծիքներն ընդունվում են գրավոր և կցվում արձանագրությանը:

## IV. ՆԻՍՏԵՐԻ ԱՆՑԿԱՑՈՒՄԸ

16. Գիտամեթոդական խորհրդի օրակարգը ձևավորվում է նախարարության աշխատակազմի ներկայացված հայտերի հիման վրա: Օրակարգի նախագիծը պատմության և մշակույթի անշարժ հուշարձանների ուսումնասիրման, պահպանման և վերականգնման բաժնի պետի կողմից զեկուցագրով ներկայացվում է նախարարի համաձայնեցմանը: Նախարարի համաձայնեցումից հետո ձևավորվում է օրակարգը և տրվում խորհրդի նիստի քարտուղարին:

17. Խորհրդի նիստ հրավիրելու դեպքում նախարարի կամ խորհրդի նախագահի հանձնարարությամբ խորհրդի քարտուղարը նիստի հրավիրման

օրվանից առնվազն 5 (հինգ) աշխատանքային օր առաջ խորհրդի անդամներին իրազեկում է խորհրդի նիստի հրավիրման, տեղի, ժամանակի մասին՝ նրանց առաքելով նիստի օրակարգը և համապատասխան նյութերը (ընտրված մեթոդի գիտական հիմնավորումը գրավոր և հիմնական զժազրերի էլեկտրոնային տարբերակը), որոնք հասցեատիրոջը տրամադրվում են առձեռն կամ էլեկտրոնային փոստի կամ ֆիքսիմիլային կապի միջոցով:

18. Խորհրդի նիստի օրակարգում նշվում են՝

1) հանձնաժողովի նիստի անցկացման վայրը, օրը և ժամը,

2) քննարկման ենթակա հարցերը,

3) քննարկվող յուրաքանչյուր հարցը զեկուցողի և փորձագետի անունը, ազգանունը:

4) Խորհրդի գործունեության կազմակերպական-տեխնիկական աշխատանքներն ապահովում է նախարարության պատմության և մշակույթի անշարժ հուշարձանների ուսումնասիրման, պահպանման և վերականգնման բաժնի պետը:

#### **V. ՆԻՍՏԻ ԱՐՁԱՆԱԳՐՄԱՆ ԵՎ ԳՈՐԾԱՎԱՐՈՒԹՅԱՆ ԿԱՐԳԸ**

19. Խորհրդի նիստերի արձանագրումն ապահովում է խորհրդի քարտուղարը:

20. Նիստի արձանագրության մեջ նշվում են՝

1) նիստի անցկացման ամիսը, ամսաթիվը, տարեթիվը և վայրը,

2) նիստի օրակարգը,

3) նիստին մասնակցող, հրավիրված անձանց անունը, ազգանունը,

4) քննարկվող հարցերի, զեկուցումների և ելույթների հիմնական դրույթները,

5) ընդունված եզրակացությունները:

21. Խորհրդի նիստի արձանագրությունները ստորագրում են խորհրդի նախագահը (բացակայության դեպքում՝ խորհրդի նախագահի տեղակալը) և խորհրդի քարտուղարը:

22. Խորհրդի քարտուղարը նիստից հետո 5 (հինգ) աշխատանքային օրվա ընթացքում նիստի արձանագրությունը ներկայացնում է խորհրդի նախագահի (բացակայության դեպքում՝ խորհրդի նախագահի տեղակալի) ստորագրմանը: Խորհրդի նիստի նախագահը 1 (մեկ) աշխատանքային օրվա ընթացքում ստորագրում է խորհրդի նիստի արձանագրությունը կամ վերադարձնում է խմբագրման խորհրդի նիստի քարտուղարին: Խորհրդի նիստի քարտուղարը խմբագրման վերադարձված արձանագրությունը 1 (մեկ) աշխատանքային օրվա ընթացքում խմբագրում և ներկայացնում է խորհրդի նախագահի ստորագրմանը: Խորհրդի նախագահը ստորագրելուց հետո նույն օրը ստորագրված արձանագրությունը ներկայացնում է նախարարին:

23. Խորհրդի նիստերի արձանագրությունները պահվում են նախարարության պատմության և մշակույթի անշարժ հուշարձանների ուսումնասիրման, պահպանման և վերականգնման բաժնում:

**VI. ԽՈՐՀՐԴԻ ՆԱԽԱԳԱՀԻ, ՔԱՐՏՈՒՂԱՐԻ ԵՎ ԱՆԴԱՄԻ  
ԼԻԱԶՈՐՈՒԹՅՈՒՆՆԵՐԸ**

**24. Խորհրդի նախագահը՝**

- 1) հրավիրում, նախագահում և վարում է խորհրդի նիստերը,
- 2) հաստատում է խորհրդի օրակարգը և ստորագրում խորհրդի նիստերի արձանագրություններն ու քաղվածքները,
- 3) որոշում է խորհրդի նիստերին հրավիրվող անձանց կազմը (որոնք քվեարկությանը չեն մասնակցում),
- 4) իրականացնում է սույն աշխատակարգով սահմանված այլ լիազորություններ,
- 5) տարեկան հաշվետվություն է ներկայացնում նախարարին խորհրդի կատարած աշխատանքների վերաբերյալ,

**25. Խորհրդի քարտուղարը՝**

- 1) ապահովում է խորհրդի քննարկմանը ներկայացվող փաստաթղթերի և նյութերի պատրաստումը,
- 2) ապահովում է խորհրդի նիստերի արձանագրության կազմը,
- 3) ապահովում է խորհրդի գործունեության մասին տեղեկատվության տարածումը,
- 4) խորհրդի նախագահի հանձնարարությամբ իրականացնում է այլ լիազորություններ:

**26. Խորհրդի անդամը՝**

- 1) մասնակցում է խորհրդի նիստերին,
- 2) մասնակցում է եզրակացությունների ընդունման համար քվեարկությանը,
- 3) հանձնաժողովի նիստերի ընթացքում քննարկվող հարցերի վերաբերյալ կարող է ներկայացնել բանավոր կամ գրավոր կարծիք,
- 4) խորհրդի կողմից տրված կարծիքի, եզրակացության հետ համաձայն չլինելու դեպքում կարող է գրավոր ներկայացնել իր հատուկ կարծիքը:

**ԱՆ ԿՐԹՈՒԹՅԱՆ, ԳԻՏՈՒԹՅԱՆ,  
ՄՇԱԿՈՒՅԹԻ, ԵՎ ՍՊՈՐՏԻ ՆԱԽԱՐԱՐՈՒԹՅԱՆ  
ԱՇԽԱՏԱԿԱԶՄԻ ՂԵԿԱՎԱՐ**



**Շ. ՍԱՐԳՍՅԱՆ**